

INMIGRANTIICHERI SALUD MENTAL

Jini Carolina Del Norte



Inmigrantiichaksí jatsistiksí máru ambe engaksí úkua jukanchajka úni ka ambe engaksí no kánikua úkua jukanchajka imeecheeri saludi mentali jingoni. Ka **El Instituto de Medicina de Carolina del Norte** ka **El Futuro** jirinhastiksí íni ambe. Ísiksí, exeni javaka máru problemeechani ka ambe engaksí komunidadicheeri orhejtsikutíicha uaka úni para sési pántani o arreglarini íni problemeechani.

EXENI NÁKIISKISÍ PROBLEMEECHA KA NIÁRANI SÉSI PEENTANI

NA ENGA MÁTERU K'UIRIPUECHA EXEAKA



Máru k'uiripuechaksí **chésini eska no sési exenhaaka**, o eskaksí támu unhaaka ka **jimboksísi no nirajti jini engaksí uaka exenhani**.



ESKASÍ IAMINDUEECHA SÉSI EXEAKA


Jánguarhinta je seguidujku uandonskuarheni **salud mentaliiri ambe** imani k'uiripuechani jingoni engaksí jimeesísi irekaka.



Jarhuatani imeechani engaksí orhejtsikujka **para úni arhintani, karani** ka ístu eskaksí **iicha uaka kamani ambe engá uétarhijka** para salud mentaliiri ambe exeni.



Eskaksí **inglesieecha** ka ístu **máteru grupuecha** uaka salud mentaliiri ambe **exeni ka néna jarhuajpini**.



ESKA JAUAKA K'UIRIPUECHA ENGA UAAKA UANDANI IMEECHEERI IDIOMANI



Enga no jarhajka **k'uiripuecha engajtsí újka uandani imani idiomani** engá inmigrantiicha uandajka, úpirindi úni eska **no sési kurhangukunaaka** ka **nóksí úni sési jarhuatanhani**.



ESKA SÁNDERU FÁSILIUAKA

Sánderu sentabu para imani k'uiripuechani jirinhani engajtsíni újka tsimani idiomachani uandani ka parakaksí iicha uaka jarhuatani jirinhani jarhuajperata inmigrantiichani.



Ú je lista ma k'uiripuecheeri engajtsíni uaka jarhuatani **jirinhani** k'uiripuechani engaksí újka uandani imani idiomani engá chá jirinhani jaka. Ka ístu jirinha je né úpirindijsíni jarhuataani jimeesísi engajtsí irekaka



Jarhuatani besinuechani engaksí újka tsimani idiomachani uandani parakaksí uaka **sési jorhenguarhini** néna jarhuatani imeechani engajtsí uétarhinchani javaka



ENGA SEGURO NO KÁMAJKA



Uánikua inmigrantiicha **nóksí úsini petaani seguro** ma, **nijtuksí újki intsinhani ánkikuarhitarhu uératini**.



ESKAKSÍ UAAKA JARHUAJPERATA EXENTANI

Eska ima k'uiripuecha engajtsí no kámajka seguro, **uaka exentani** jarhuajperata engá **no kobarpijka** o **engá no uánikua kobararinhaaka**



Ú je **Ferías de Salud** jimeesísi engá chá irekaka paraka k'uiripuecha uaka míteni né uaa jarhuatani.



Jarhuataa je **mátereechani sirandeechani uiniharhítani** paraksí úni **intsinhani Gobiernueri jarhuajperata**



¿Uékaxakiksí sánderu ambe míteni? Eskaniari je arhini kodigu QR paraksí sánderu sési míteni íámu ambe.



INMIGRANTIICHERI SALUD MENTAL

Jini Carolina Del Norte



PARAKSĪ SÁNDERU SÉSI MÍTENI INMIGRANTIICHA CAROLINA DEL NORTE

Arhistakuni ka jorhendaani orhejtsikutiichani engaksĭ uékani jaka jarhuajpeni paraka uaaka sánderu ambe míteni salud mentaliiri ambe.

¿Neechaskiksĭ inmigrantiicha enga Carolina del Norte irekani jaka?

8%

8% k'uiripuecheeri engajtsĭ Carolina del Norte irekaka inmigrantiistiksĭ



5 sapiicheeri 1 kámasĭni taatini o naandini ma enga inmigrantiika jini Carolina del Norte



América Latina: ~520.000
Asia: ~264.000
Europa: ~104.000
África: ~85.000
Oceania: ~2.500

¿Neechaskĭ jarhuajpesĭni inmigrantiicha paraka Carolina del Norte sánderu uinhapiti jauaka?



\$9.8 MIL MILLONES DE DÓLARES

Íámu sentabu engaksĭ inmigrantiicha inskukia Carolina del Norte anapu gobiernuni



NEGOSIUECHA

38% empreseecheri engaksĭ xarhantajka listarhu Fortune 500 ka engajtsĭ Carolina del Norte jaka, uénhanhaspiksĭ inmigrantiicheeri jarhuajperata jimbo, ia sea taatiicheeri o uájpeecheeri.



Májku k'eri 602,600

inmigrantiichaksĭ jarhasti enga enga Carolina del Norte ánkikuarhinani jaka

Kuenta íntskukuarheni eska importantiiska

Uánikua k'uiripuechaksĭ no xáni jukaparharasĭni salud mentaliini eska salud física o máteru ambe enga nema úpiringa uétarhinchani. Jamberi sentabu andani para úni kéndani familiani úpirindi jindeeni ambe enga sánderu uandanhatajka inmigrantiini ma. Ístu nani irekani ka ambe jingoni řireni úpirini uandanhata máeni para familia ma sési jarhani.



“Uánikuechaksĭ kánikua chésĭni, máruksĭ chésĭni no sési exenhani. Uánikua juchiiti pasientiichaksĭ uandasĭni: “No uékasĭnga eska juchiiti familia míteaka eska ji ixú jarhaska řungini jingoni uandontskuarheni”.

-Ísĭ uandaspti tsinajpiri ma enga inmigrantiichani exeajka

¿Andisĭ no kánikua ambe mítekuarhi inmigrantiicheeri ambe?

Jimeesĭsi enga uánikua inmigrantiicha irekaka k'uiripuechaksĭ kánikua no sési exesĭni pamenchakuechani engaksĭ éjpurhu úkuarhijka. Jimbosĭ mejori no uandontskuarhejti iiri ambe. Ístu, jimbokaksĭ chésĭnga no sési exenhani, nóksĭ jirinhasĭndi jarhuajperata.

20 IDIOMECHA ENGARSĪ SÁNDERU UÁNIKUA UANDARIICHA JAKA KA ENGA “NO RÁNIKUA SÉSI” UANDAJKA INGLÉSĪ (2022 JIMBO XÁNI UÁNIKUA UANDARIICHA JARHASPTI)

Español	330,018	Uandariicha
Chino (mandarín, cantonés) jimbo	17,062	
Vietnamita jimbo	13,592	
Árabe jimbo	10,910	
Coreano jimbo	8,208	
Guajarati jimbo	6,845	
Francés jimbo	6,425	
Ruso jimbo	5,397	
Telugú jimbo	4,860	
Ilocano jimbo, samoano jimbo, hawaiano jimbo ka máteru idiomaecha engajtsĭ	4,748	
Taiwani uératini jurhajka	4,288	
Amharic jimbo	4,121	
Hindĭ jimbo	4,062	
Hmong jimbo	3,912	
Portugués jimbo	3,885	
Japonés jimbo	3,566	
Alemán jimbo	3,400	
Tagalo jimbo	3,349	
Nepali jimbo	3,104	
Criollo haitiano jimbo	3,012	

Engajtsĭ uéjka sánderu ambe míteni, exeani máteru traduksioniichani ojtsĭ uékaxaki jarhuatani Red de Solidaridad con la Salud Mental de los Inmigrantes (IMHSN), incha je juchaari sitio webiiru

